



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

vj Magnus märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

er heft jm aber solches außzurichten befohlen.
Wolan/ sagt Serapion/ so thu in dem namen
des HERN/ was er dir befohlen hat/ vnd laß
mich im frieden fahren. Nach dem er solches
empfangen hat/ ist er friedlich gestorbe. Euse-
bius lib. 6. cap. 44.

sep
E
v
Hercula
nus.

Dieser ist ein Christlicher Bischoff zu Ve-
rusa gewesen/ Die Statt aber ward von
den Gothis belagert/ hafftig bezwangen/ vnd
endlich erobert/ Der Oberst des Kriegsvolcks
ließ disen frommen Mann ergreiffen/ vnd auß
der Stattnauwer den Kopf abschlagen/ vnd
den Leib vber die Mauwr hinab werffen/ Erti-
che aber begruben in mit einem Kindelein/ vber
40. tag suchten sie den Leib/ in die Kirchen zu-
begraben/ da funden sie des Kindes Leib ganz
voll Wurm/ aber des Herculani Leib war noch
ganz reyn vnd vnbesleckt. Ist geschehen/ vmb
das Jar Christi 550.

ha
D
vj
Mag
sus.

Dieser ist inn Apulia vonn Ehrlichen/ doch
Heydnischen Eltern geboren/ Nach dem er
nun alt war/ gieng er fleißig in die versamlung
der Christen/ vnd höret ihre Lehr/ dardurch
ward er zu Christlicher erkandnuß gebracht.

Zu der zeit aber der gräwlichen verfolgung/vn-
der Decio Römischen Keyser / ist auch dieser
Magnus gefangen / vnd für Seuerinum den
Heydnischen Richter mit grosser vnbarmher-
zigkeit gebundē / vnd jämmerlich zerschlagen/
geführt worden! In solchen seinen ängsten/ hat
er den Sohn Gottes Ihesum Christum ange-
ruffen/vnd gesprochen: O Herz Jesu Chri-
ste / verlass mich nit in meinem Leyden/
vnd scheide dich nicht von mir / hie vnd
dort ewiglich / Vnd behüte mich durch
dein Göttliche gnade an Seel vñ Leib/
Vnd sprach zu den Tyrannen: Flihet vonn
mir/ir Vbelthäter/ir solt mich nicht bewegen/
euern Göttern zu opfern / dann in dem wa-
ren Gott steht mein Heyl vnd mein ehr/ in des
selbigen hände befehle ich mein seel. Dieweil er
also beständig inn warer Christlicher bekande-
nuß beharret/ist er nach vieler gräwlicher mar-
ter vmbbracht vnd geköpft worden.

Dieses ist ein junges vñnd hübsches Jung-
fräwlein gewest/von Heydnischen Eltern
geboren / welche / dieweil sie inn ihrer jugende
fleissig die gemeynschaft der Christen besucht/
vñnd ihre Lehr vonn **I H E S U** Christo ge-
hört/

bet
E
vij
Regina.

R iij

höret/